



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt XX. Idem Priori sancti a Fridiani Lucan.

[urn:nbn:de:hbz:466:1-74544](#)

CAPVT XX.

Idem Priori sancti Fridiani Lucan.

Quarenti quid per censuram eccl. intelligi debeat, cum hujusmodi clausulam in nostris literis apponimus: respondemus, quod per eam non solummodo interdicti, sed & suspensionis, & excommunicationis sententia valeat intelligi, ut iudex discretus, refutum, & personarum circumstantiis indagatis ferat, quam magis videbit expedire.

NOTÆ.

1. **S**ancti Fridiani.] Ita etiam legitur in tertia collectione sub hoc tit. cap. 4. & in c. quaren- ti, de offic. deleg. ubi extat alia pars hujus Decreta- lis, ut iam notavi.
2. **b** Interdicti.] De qua censura egi in cap. cum inter, de consuet. cap. 2. de his que sunt à Prelat. cap. quod in re, de penit. & remiss.
3. **c** Suspensionis.] De qua censura egi in cap. 1. & 3. de cleric. excom.
4. **d** Excommunicationis.] Tam minoris, quam majoris, de quibus egi in c. significavit de sent. excom.

COMMENTARIUM.

3. **P**ro hujus textus expositione sciendum est, irregularitatem generaliter censuram non esse, quia irregularitas in genere suo non est vinculum, sententia, nec pena, sed inhabilitas, & canonicum impedimentum contractum aliquando sine culpa: *i. si quis viduam, 50. dif. & ex prefenti textu deducitur, probaturque ex eo, quia censura in produc-*tion*e est sententia, & medicina respiciens ut suum ultimum finem obtinatis sanitatem, & redditum in semitam rectam, c. andi 1. q. 3. c. 1. de sent. excom. lib.* 6. Irregularitas verò non dicitur medicina, cum non presupponat opus peccaminorum, immo aliquando meritorium, quo gratia acquiritur; in esse tamen deducta censura separata à participatione sacramentorum, & communione fidelium, c. Engel- trudam 3. q. 4. cap. 1. de re judic. Hac irregularitas tantum privat ab Ordinum susceptione, exercitioq;. Differt in remotione, quia censura tollitur abolutione, irregularitas verò dispensatione. Trid. seff. 14. cap. 7. 8. seff. 24. de reform. cap. 4. Nec contrarium probat textus in c. nuper, de bigamis, ubi cum agatur de irregularitate quae provenit ex bigamia, dicitur clericum de facto contrahente matrimonio- num eadē censurā credi irretitum; nam verbum illud *censura*, accipitur pro rigore factorum canonum, ut docent Butrius, & Anania in presenti. Circa eam verò irregularitatem, qua ex delicto nascitur, dubium est apud Doctores. Negant omnes repe- tentes in presenti. Suarez de censur. dif. 1. seff. 3. Syl- vest. verbo Censura, & alij apud Dianam p. 1. tract. 11. refol. 27. Moventur primò ex presenti textu, ubi cum omnes censura species referantur, nulla ir- regularitas mentio fit. Deinde quia irregularitas tantum privat ordinis susceptione, censura verò etiam receptione aliorum sacramentorum. Rursus quia irregularitas non parit aliam, si ir- regularis celebret; sed qui alia censurā ligatus ce- lebrat, irregularis manet, cap. 1. c. 3. celebrat, de cleric. excom. Ergo quia irregularitas censura non est. Tandem, nam censura tollitur absoluzione, irregularitas verò dispensatione; ergo quia censura non est. Contrarium verò, scilicet irregularitatem ex delicto provenientem, esse censuram, tenuerunt

Thomistæ, Bañes, & Aragon. ad 2. 2. D. Thome 9. 6. 4. art. 8. Sotus in 4. dif. 22. q. 3. alii quos laudat, & sequitur Gibalinus de irregul. c. 1. q. 2. Cum enim similis irregularitas sit pena ob delictum inflata, & privet uero bonorum spiritualium, quid mirum si appetetur censura. Quia sententia retenita, esti contraria non improbat dicat Diana supr. tract. 11. resol. 27. non obstant fundamenta prioris sententiae; nam ea omnia tantum probant irregularitatem esse diversam speciem censurae, non tamen non esse censuram. Nec etiam obstat præsens textus, in eo enim tantum assertur, in rescriptis Pontificis irregularitatem non comprehendit nomine censura, quia licet censura species sit, tamen nunquam censetur appellatione censuræ venire, nisi specialiter id exprimatur ob gravitatem penæ, & quia ita ex stylo Curia observatum fuit. Deinceps, nam in præsenti textu, iuncta aliâ ejus parte, quæ extat in cap. quarenti, de offic. delegat. agitur de censuris imponendis a homine, hoc est a judice delegato. Sed irregularitas ab homine imponi non potest. Igitur Innocentius accipiendum est ita, ut appellatione censuræ, quæ ab homine imponi posset, irregularitas non comprehendatur, quia illa a judice delegato imponi non valet. Nec obstat quod irregularitas non privat ab his, quæ aliis cen- suris irregulitis denegantur; illud enim tantum probat, non dari eoldem effectus in irregularitate, ac in aliis censuris; non tamen inde infertur, irregularitatem censuram non esse; nam suspensio licet non privet nisi tantum rebus spiritualibus, ut ex- communicatione; est tamen censura, ut in præsenti textu docetur. Nec obstat quod irregularitas non producat aliam irregularitatem, ut parit censura; nam id non provenit ex eo, quod irregularitas cen- sura non sit, sed quia ligatus alia censurā privatus est tantum rebus spiritualibus, & adhuc capax ma- net recipendi sacros ordines: qui verò irregularis est, iam non haber amplius, quod amittat, quamvis ex aliis causis possit etiam fieri irregularis, quia haec tota res moralis est. Unde ex variis causis proficiunt potest hoc impedimentum, ut probat Gi- balinus de irregul. diffo. cap. 1. q. 2. Nec quod de so- lutione irregularitatis DD. contraria sententiae adduceant, aliquid facere potest; fatemur enim irregularitatem dispensatione superioris tolli; non tamen concessâ tempore alicuius jubilei facultate absolvendi à quibuscunque censuris, confessarius potest absolvere ab irregularitate, quia id expre- sè inhibitus est à Gregorio XIV. anno 1590. & Clemente VIII. anno 1592. & anno 1597. ut re- ferunt, & probant Trullench. in Bullam, lib. 1. c. 2. §. 7. dub. 17. P. Mendo eod. tract. dif. 25. c. 19. Cuius differentia ratio ex eo provenit quia cum irregu- laritas sit major pena, & ita difficulter in solutio- ne, cap. cum illorum, iunctâ glossâ verbo Minor, de sent. excom. ideo concessâ generali facultate ab- solvendi à censuris, non censetur concessa po- testas

testas dispensandi in irregularitate, ut docet Borgius de irregul. cap. 6. n. 19. Regulares vero Prelati possunt virtute suorum privilegiorum in iis irregularitatibus, quae ex delicto occulto proveniunt, praecipue in illis, quae ob violationem censuræ contrahuntur, dispensare, ut probant Fragoso de regim. Christ. Reip. tom. 2. lib. 1. disput. 24. §. 7. Basilius in floribus Theolog. verbo casu reservatus, §. 7. num. 29. Bordonus in consil. regul. tom. 1. resol. 6. n. 10. Diana part. 9. tract. 8. resol. 50.

CAPUT XXI.

Idem^a Cesarangustano Episcopo.

Quid per novalis vocabulum intelligi debeat, à nobis tua fraternitas requivit. Licet autem quidam dixerint, quod novale sit terra præcisa, quæ anno cessat, aliis afferentibus, quod ex silva, quæ arboribus extirpatis ad cultum redigitur, fieri non vale dicatur, quarum utraque interpretatio ex civilibus legibus colligitur; Nos tamen inquisitione tua taliter respodemus, quod eam credimus prædecessorum nostrorum intentionem fuisse, cum piis locis indulgentiam de novalibus concederent, ut novale intellexerint agrum de novo ad cultum redactum, de quo non extat memoria, quod aliquando cultus fuisset: sed nec de quolibet tali novali credimus eis indulgentiam fore concessam, nisi de illo dumtaxat, cuius decimas religiosus potest conventus absque gravi detimento parochialis Ecclesie detinere, cum talis sit saxe locus incultus, de quo parochialis Ecclesia magnos percipit decimorum ratione proventus.

NOTÆ.

^a **C**esarangustano.] Ita etiam legitur in *tertia collectione, sub hoc tit. cap. 5. de Cesarangustana Metropoli egi in cap. duodecim. 31. de privil.*

CAPUT XXII.

Idem Abbatii de^a Alcobatia, & F. & P. monachis Alcobatiae.

Venerabili fratre nostro N. Colimbrensi Episcopo didicimus conquerente, quod cum frates sanctæ b Crucis monasterium de Arganil sub protectione sua nuper repererint, quod suis prædecessoribus Episcopalia jura consueverat ab antiquis temporibus exhibere, nunc quodam de Canonis suis sine suo consensu ibi factio Priori, occasione cuiusdam privilegii à bona memoria Clem. Papa prædecessore nostro reveritate tacita imprecati, eidem Episcopo debitam obedientiam denegat exhibere: inde sumptuosa occasione, quod per matricem Ecclesiam non c Cathedram intelligent, sed Romanam. Quia vero non est nostra intentionis, ut jura fratrum nostrorum temporibus nostris indebet minuantur, causam vobis duximus committendam, per scripta Apostolica mandantes, quatenus si vobis aliud non occurrit, propter quod dictus Prior non debeat diecesano Episcopo respondere, eum ad præstandam dicto Episcopo debitam reverentiam, sicut prædecessoribus Episcopis præstiterunt, appellatione remota per censuram ecclesiasticam compellatis. Nos enim per matricem Ecclesiam Cathedram intelligere volumus, non Romanam, non obstante privilegio in præjudicium Colimbriam. Ecclesia per subreptionem obtento. Quod si non omnes, &c. Duo vestrum, &c. Datum Romæ, &c. III. Kal. Junii.

NOTÆ.

1. **A**lcobatia.] Ita etiam legitur in *tertia collectione, sub hoc tit. cap. 6. & in Registro epistolarum Innocentij edito à Sirleto, fol. 101.* De hoc monasterio Alcobatiae egi in cap. de rescr.
- b. **Frates sanctæ Crucis.**] De quibus Canonice regularibus, & controversis cum Colimbrensi Episcopo egi in cap. 14. de privil.

2. **Cathedralem.**] Ecclesia Cathedralis propriè appellatur matrix, quia mater, magistraque est omnium Ecclesiarum diecesis; unde latè modo Ecclesia, quæ sub se alias habent, dicuntur matrices, ut probant Azor p. 2. in inst. lib. 3. cap. 12. 9. 13. & lib. 9. cap. 3. Barb. in c. ad audientiam. num. 7 de decimis: quo modo Ecclesia matrix accipitur in e. ad audien-

tiam, el 1. de Eccles. edific. c. ex transmissa, de prescript. c. preterea, el 2. de transact. Clement. 1. defens. ex com. Propriè tamen, & strictè Ecclesia matrix tantu Cathedralis dicitur, nisi qualitas materie aliud expostulet, ut in praesenti docetur, & in cap. ex transmissa, de prescript. Illustrant Rebuffus de decimis quæst. 6. num. 6. Moneta eod. tract. cap. 7. n. 3. Sayrus in hebanro, lib. 3. cap. 33. Tondutus part. 1. resol. canon. cap. 46. n. 10. Barbola in Clement. 1. de sent. ex com. Frances de Eccles. Cathed. cap. 15. n. 17. Et Romana Ecclesia, quæ omnium est mater, prima matrix appellatur, Cathedrales vero respectu illius secundæ matrices, respectu vero totius Episcopatus, prima appellantur. Glossa. in l. de cernimus 15. verbo Matrices, Cod. de sacrof. Eccles. Prosequitur Frances ubi proxime.

CAPUT